



LE GOUVERNEMENT
DU GRAND-DUCHÉ DE LUXEMBOURG
Ministère de l'Agriculture, de la Viticulture
et du Développement rural

Dossier suivi par : M. André LOOS
Tél. : 247 82530

CHAMBRE DES DÉPUTÉS
Entrée le:

11 MARS 2019

Réf 49/19

Monsieur Marc HANSEN
Ministre aux Relations avec le
Parlement

Service Central de Législation

LUXEMBOURG

Luxembourg, le 11 mars 2019

Objet: Question parlementaire n° 258 de l'honorable Députée Madame Martine Hansen

Monsieur le Ministre,

J'ai l'honneur de vous faire parvenir, en annexe, la réponse commune de Monsieur le Ministre de l'Agriculture, de la Viticulture et du Développement rural et de Madame la Ministre de l'Environnement, du Climat et du Développement durable, à la question parlementaire citée sous rubrique.

Veillez agréer, Monsieur le Ministre, l'expression de mes sentiments très distingués.

Pour le Ministre de l'Agriculture,
de la Viticulture
et du Développement rural,


André LOOS
Premier Conseiller de Gouvernement

Réponse commune du Ministre de l'Agriculture, de la Viticulture et du Développement rural et de la Ministre de l'Environnement, du Climat et du Développement durable à la question parlementaire n°258 de l'honorable députée Madame Martine Hansen

Kann d'Regierung de Bilan vun de Preventiounsmesurë maachen, déi getraff gi sinn zënter de Virus eng éischte Kéier an der Belsch konnt nogewise ginn? Wat gouf an dëser Zäit konkret fir Schwengsproduzente gemaach?

Duerch de massive Präisréckgang beim Schwéngfleesch stinn eis Betriber viru massive wirtschaftleche Problemer. Wéi huet de Minister wëlles eis Schwengsproduzenten an dëse schwierige Situatioun ze ënnerstëtzen?

De Präis fir d'Wëllschwäin ass déif gefall. Ginn nach genuch Schwäi geschoss fir d'Gefor ze reduzéieren?

Zënter déi éischt Fäll vun Afrikanescher Schwéngspescht Mëtt September detektéiert goufen, sinn eng ganz Rei Informatiounen un d'Bauern aus dem Schwéngssektor weider geleet ginn. D'Veterinärsverwaltung huet dësweideren eng Versammlung mat alle concernéierte Baueren organiséiert an där nieft der Krankheet och d'Biosécherheet an de Betriber e groust Thema war, iwwer dat diskutéiert gouf.

D'Landwirtschaftskummer ass derbäi, zesumme mat den zoustännegen Autoritéiten, eng Informatioun auszeschaffen, wou op eng präzis a praktesch Aart a Weis d'preventiv an d'kurativ Mesure bezüglech déi landwirtschaftlech Produktiounsaktivitéiten duergestallt ginn.

Et ass och een Update vun der Datebank vun de Schwéngsbetriber gemaach ginn an d'Betriber si vun den Inspekteren vun der Veterinärsverwaltung besicht gi fir si um Niveau vun der Biosécherheet anzeschätzen an eventuell Verbesserungsvirschléi ze maachen.

Och gouf et Informatiounsversammlungen vun der Naturverwaltung an der Veterinärsverwaltung, fir d'Jeeër aus der "Zone de surveillance" déi un déi belsch "Zone d'observation" grenzt, am Detail z'informéieren.

D'Vertriëder vum Schwéngssektor a vun de Jeeër sinn och Member vun der "Task Force" wou si kënnen hiert Uleies matdeelen an esou déi verschidden Aktiounen vun der Bekämpfung vun der Krankheet mat gestalten. Et goufen doropshin Nobesserunge gemat, notamment bei den Transportfirmen aus dem Schwéngssektor a bei de Centres de collecte.

All d'Jeeër aus dem Land goufen ugeschriwwen, kruten d'Hygiènesregelen rappelléiert, a sinn opgefuerdert ginn all verdächtig Wëllschwäin beim zoustännegen Revierfischer respektiv enger speziell heifir ageriichter Hotline ze mellen.

De Grand Public, d'Stroossebauverwaltung an d'Police sinn och opgefuerdert ginn, verdächtig Wëllschwäin respektiv Carcassen ze mellen, a maachen dat och. D'Fischer vun der Naturverwaltung si forméiert ginn, fir déi verdächtig Carcassen ze transportéieren oder ze beprouwen. De Veterinärslabo huet bis elo iwwer 120 Wëllschwäin, déi dout fonnt gi sinn

oder verdächtig waren, op d'afrikanesch Schwéngspescht analyséiert. Bis elo waren all d'Resultater negativ. Sait leschter Woch sinn d'Jeer aus der zone de Surveillance derzou opgeruff ginn, och Prouwe vu geschosse Wëllschwäin fir d'Analyse an de Labo ze ginn.

De Marché vum Schwéngfleesch ass e relativ volatil an deem et vill Schwankunge gëtt déi duerch eng Rei vu Facteuren beaflosst ginn, wouvunner een déi Afrikanesch Schwéngspescht ass. Am Fall vun der Detektioun vum Virus, sief et an der nationaler Wëllschwäinpopulatioun respektiv an engem Schwéngsbetrieb, huet dat haaptsächlech Konsequenzen op den Export vun de liewege Schwäin wou de Ministère da kann agräifen ënnert der Bedingung sech un déi europäesch Reegelung ze halen.

Wëssenschaftlech ass nach net festgestallt ginn, wéi grouss d'Reduktioun vun der Wëllschwäinpopulatioun misst sinn fir d'Gefor vun der Infektioun duerch de Virus ze verhënneren. Allerdéngs ass d'Situatioun am Fall vun enger Infektioun méi einfach ze géréieren, wann de Bestand vu Wëllschwäin méi déif ass. Dofir, awer och wéinst dem Wëldschued an de ländwirtschaftleche Kulturën, ginn d'Jeeër seit Joren dozou opgefuerdert de Bestand ze verkleinere.

De Marchéspais vum Wëllschwäin war och an de leschte Joren net ganz héich, an et ass net gewosst wéivill Afloss de Präis vum Fleesch sech op den Ofschoss auswierkt. Eisen Informatiounen no goufen dës Saison (2018/19) an de Juegdousen, déi un déi belsch "Zone tampon/Zone de vigilance" grenzen, méi Wëllschwäi geschoss wéi an der Saison 2017/18. Offiziell Zuelen iwver d'ganzt Land hu mer réischt ee Mount no Ofschloss vum Juegdjoër.
